

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Illvstrivm Virorum Epistolae, Hebraicae, Graecae et Latinae, Ad Ioannem Reuchlin Phorcensem virum nostra aetate doctissimum diuersis temporibus missae**

**Reuchlin, Johannes**

**Hagenoae, 1519**

Ioannes Hildebrandus suecingensis castigator chalcographiae Anselmitanae, Ioanni Reuchlin Phorcensi. LL. doctori. S. D. P.

[urn:nbn:de:bsz:31-270838](https://nbn-resolving.org/urn:nbn:de:bsz:31-270838)

IO. REUCHLIN. LIBER SECVND.

medium & finem, quibus fuerit Christus, quibus fuerit fiscus. Deinde meam tam simplicem innocentiam, qui sum traditus, sum uēditus, non commonitus, non prauisus. Cuius Consilium Principi offerendum, est publicatum, anteq̄ oblatum. Eum traditorem se diciosum, & notorie infamem calumniatorem, qui cum sit Iudæus baptisatus, & laicus coniugatus, contra me Christianum hominem famose predicauit, coadunata congregatione fidelium Francofordiæ, contemptis ecclesiæ mandatis & constitutionibus cum suspicionē reditus ad uōmitum, uos nutritis fouetis & laudatis, qui emunctos & emūgendos grandi pecunia Iudæos in ista tā fauorabili causa scriptis notauit. Putas ne piarum aurium nō fiet offensuum, q̄ me in uerbulis quibusdam capere conaris, & de testanda opera non abomineris? Accederent item post manum ualidam Poëtæ & Historici, quorum hoc tempore magna copia uiuit, qui me præceptorem quondam suum, ut par est, ueneratur qui tantam iniquitatem aduersariorum perpetuæ traderent memoria, & innocenter passum me describerēt, cum athena Gymnasii uestri ignominia. Lege Minoem Platonis, & inuenies uera me dicere. Igitur noli esse iustus nimis, nedum calum tuearis, terram amittas. Thales Milesius caelum aspexit, & in foueam cecidit. Filii Israel Sabbathum dei custodierunt, & bello perierunt. Habet iustitia gradus suos. Hunc uersiculū puer didici Glimpfius est pluris quàm tota scientia Iuris. Vale foeliciter, ad pacem pronior q̄ ad superbas contentiones, quarum autores multis saepe innocētibus sunt cædis occasio. Sturgardiæ. V. ID. Martias. An. M. D. XII.

Ioannes Hiltbrandus Suecingensis Castigator Chalcographiæ Anselmitanæ, Joanni Reuchlin Phorcensi. LL. Doctori. S. D. P

**E**N, Præceptor obseruandissime, pullulat ex tincto Iudæo insana laurus, & tradita est Theologorum prouincia, canina faucundia. Quæ negocium omnē cuidam Tungro commendauit, Pepericorni anchoræ. Adest liber, quem Thomas Anselmus ipse patronus noster iam pridē ab Emporio Francofordiensi proximis Nundinis attulit. Colonienisum Theologorum factio. Eum



E P I S. I L L V S T. V I R O R V M A D  
iussus tibi mitto. Articuli nomē habet. Tu uelim Magne CapNi-  
on hac in causa, ut in ceteris cōsueuisti, magno animo sis, ne quid  
moueare. Nam turdus ipsi sibi malum cacat, ut est in Prouerbio.  
Vale. Tubingæ; Anno. M. D. XII.

Ioannes Reuchlin Phorcensis. LL. Doctor, Ioanni  
Hiltebrando. Castigatori Anselmitano.

S. D. P

**Q**VEM misisti libellum famosum Hiltebrande Vir litera-  
tissime ac optime nuper a fratribus p̄dicatoribus, & Theo-  
logistis Coloniensibus illis meis Calumniatoribus aduer-  
sum me, inq; meam infamiam editum, & per Nundi-  
nas Francofordiæ proximas in uniuersum orbem diuulgatum,  
cuius inscriptio est Articuli, primum attonito uultu accepi & per-  
legi, quoniam hactenus uocationē expectaui, quam illi per sigil-  
latas mihi literas promiserunt, non ullam diffamationē. Cūq;  
relegissem denuo, uidissemq; tot & tantorum uulgi opinione sa-  
pientum stulticiam immensam, quin inmo Hypocritarum ne-  
quiciam & malignitatem intolerabilem, resumptis uiribus, cor in-  
trepidum nactus sum, cum lata quadam illis resistendi cupidita-  
te. Quod facile factu iudico. Cum in eo libro illo singulæ proposi-  
tiones nihil aliud quidem sint, q̄ mea propria argumenta, non  
ab ipsis, sed a me inuenta, & multo ante per disputationes meas in  
Oculari speculo proxime Cōsilio iunctas, & in uulgari Clara in-  
telligentia lucidissime declarata, soluta, & resoluta, pro mentis  
meæ sententia, quam humiliter Ecclesiæ subieci determinationi-  
bus, non semel sed longe sæpius. Quapropter qua uia sit inchoan-  
dum bellum ut pax habeatur, consule. Non enim reperitur ullū  
problema, non argumentum, nec ulla illorum Propositio, quæ  
suam determinationem, tam in disputatione q̄ in uulgari de-  
clara-tione nō prius habuerit. Quod coram ut oculis cernere possis  
non sine folio ficulno subieci Catalogum.  
Propositio prima. In disputatione mea argumento primo, & in  
Declaratione uulgari quæ intitulatur Clara intelligentia. §. 28.  
Propositio. 2. In disputat. argumento. 2.